

Pengilang tuntutan pilihan raya segera

MalaysiaKini.com

June 14, 2012

Oleh Aidila Razak

Komuniti pengilang Malaysia lebih suka sekiranya pilihan raya umum ke-13 dilangsungkan secepat mungkin.

Presiden Persekutuan Pekilang-Pekilang Malaysia (FMM) Tan Sri Yong Poh Kon berkata, ini kerana industri itu pada masa ini berhadapan banyak ketidaktentuan yang berpanjangan.

"Pastinya dalam komuniti ini, kita mahu pilihan raya diselesaikan kerana kerana terdapat beberapa ketidaktentuan... keputusan akan menjadi lebih mudah (selepas pilihan raya)," katanya. [Baca berita penuh]

Sementara itu, Bernama melaporkan, FMM juga bimbang kos tenaga kerja, tenaga dan penghantaran terus meningkat, pada kadar yang lebih pantas, dalam tempoh enam bulan ini, berikutan keadaan perniagaan yang lebih bagus.

Kajian Keadaan Perniagaan oleh Institut Penyelidikan Ekonomi Malaysia-FMM (MIER) menunjukkan, dua pertiga daripada 386 pengilang yang ditemubual menjangka kos pengeluaran lebih tinggi seiring dengan peningkatan persaingan dari Thailand, Indonesia dan Vietnam yang memberi impak negatif kepada ekonomi Malaysia.

"Untuk pengilang, keutamaan hanyalah dua perkara, iaitu jualan dan kos.

"Harga bahan mentah telah merosot, bagaimanapun, kos tenaga kerja termasuk gaji minimum, kos bahan api dan penghantaran memberi kesan kepada pengilang," kata Yong.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/200846>